

Simalungun - Haluahon Tarsurat - Salvation Scriptures

Epesus 2:2 ai ma na hinorjahon nasiam hinan mangihutkon panorang ni dunia on, mangihutkon rosuh ni na markuasa i awang-awang ai, ai ma tonduy na marhorja nuan ibagas jolma na so siat hata.

Mateus 6:10 Sai roh ma harajaonmu. Sai saud ma harosuh ni uhurmu i nagori tongah on songon na i nagori atas.

Lukas 22:42 Ham Bapa, anggo dear uhurmu, salpuhon Ham ma panginuman on hum Bangku! Tapi sedo uhurhu, uhurmu do na saud.

Johannes 16:7-9 Tapi na sintong do na huhatahon on bannima: Ulihnima do in anggo laho Ahu. Ai ambit seng laho Ahu, seng anjai roh Sipangapiti in bannima, tapi anggo laho Ahu, suruhonku do la bannima. 8 Anggo roh Ia, ajaranni do dunia on pasal dousa, pasal hapintoran ampa pasal uhum. 9 Anggo pasal dousa, ai ma na so porsaya sidea Bangku.

2 Timoteus 2:10 Tapi hutaron do haganupan in halani na tarpilih in, ase dihut sidea marulih bani haluahon, na ibagas Kristus Jesus ampa bani hasangapon sisadokah ni dokahni.

Rom 15:20,21 Hasangaponku do huhira na mangambilankon ambilan na madear in bani ianan, na so tarbogei ope ijai Goran ni Kristus, ase ulang ahu songon na pauli rumah bani onjolan ni halak na legan, 21 tapi songon na tarsurat in ma: Marpangidah ma na so dapotan barita pasalsi, anjaha mangarusi ma na so ongga mambogeisi.

Lahoan ni Apostel 2:36,37 Ase torang ma ibotoh haganup bangsa Israel: Ia Jesus na pinarsilangkonnasiam in, domma ipabangkit Naibata gabe Tuhan anjaha Kristus. 37 Manangar ai, itorusi ma uhur ni sidea, gabe ihatahon sidea ma hubani si Petrus ampa hubani hasomanni Apostel: Aha ma sibahenonnami, nasiam hasoman!

Heber 4:2 Ai dihut do hubanta roh ambilan na madear, songon na hubani sidea; tapi seng marguna bani sidea hata na binogeji ni sidea ai, halani sanggah ibogeji sidea ai, seng ijalo sidea ai marhasoman haporsayaon.

Jeremia 24:7 Berehonon-Ku do bani sidea uhur laho mananda Ahu, paboa Ahu do Jahowa; gabe bangsang-Ku ma sidea anjaha Ahu gabe Naibata bani sidea, ai mulak do sidea use hu Bangku humbani gok ni uhur ni sidea.

Lahoan ni Apostel 16:14 Jadi adong ma sada naboru, na margoran si Lidia, partiga-tiga hiou sigerger, hun huta Tiatira, sisombah Naibata. Ibuka Naibata ma uhurni gabe iparimbagaskon ma na hinatahon ni si Paulus.

Mateus 13:14,15 Ase jumpah ma bani sidea panjahaion ni nabi Jesayas, na mangkatahon: Bogeion ni pinggolnasiam do in namin, tapi seng arusannasiam, idahon ni mata nasiam do in namin, tapi seng tandaonnasiam. 15 Ai na dob hengkeng do uhur ni bangsa on, pinggolni hurang marpanangar anjaha ipapitpit matani, ase ulang marpangidah matani, ulang marpambogei pinggolni, ulang marpangarusision uhurni, ase ulang mulak anjaha malum sidea bahenonku.

Jesaya 6:9,10 Jadi ihatahon ma, ‘Laho ma ho, hatahon ma bani bangsa on: Tangar, tangar hanima ma, tapi ulang artihon; idah, idah hanima ma, tapi ulang arusi hanima! 10 Patendel ma uhur ni bangsa on, panengel pinggolni, anjaha papitung matani, ase ulang marpangidah ia marhitei matani, anjaha ulang marpanangar marhitei pinggolni; ase ulang mangarti uhurni, anjaha ulang ipaubah uhurni gabe malum ia.’

Markus 4:11,12 Gabe ihatahon ma bani sidea: Ibere do bannima rusia ni harajaon ni Naibata, tapi bani halak na idarat, marhitei limbaga do ganup ipadas ai, 12 ase, age pe ikawahkon sidea ai, seng iidah, anjaha age pe ibogei, seng iarusi, ase ulang mubah uhur ni sidea anjaha sasap dousa ni sidea.

Johannes 12:39,40 Seng tarbahan sidea porsaya, ai sonon ope hata ni si Jesayas: 40 Ipapitung do mata ni sidea, anjaha ipahengkeng uhurni, ase ulang marpangidah mata ni sidea, anjaha ulang marpangarusision uhur ni sidea; ulang mulak sidea, ulang malum sidea hubaben.

Rom 11:7,8 Ase sonaha do? Na pinindahan ni halak Israel, seng jumpah sidea, tapi halak na pinilih ai jumpahsi do ai; ia na legan ai domma ipahengkeng uhurni, 8 songon na tarsurat ai: Ibere Naibata do bani sidea tonduy na tarpodom, mata na so marpangidah ampa pinggol na so marbinogei ronsi sadari on.

2 Tessalonika 2:10,11 ambahni ai marhasoman haganup bagei ni hajahaton sipaoto-oto bani halak na laho magou, halani lang ijalo sidea holong na humbani hasintongan in, ase maluah namin sidea. 11 Halani ai isuruh Naibata do bani sidea tonduy na pakahouhon, ase porsaya sidea bani ladung,

Mateus 13:18-23 Ai pe, tangar hanima ma limbaga pasal panabur ai! 19 Anggo adong na manangar hata pasal harajaon ai, tapi seng iarusi, jadi roh ma parjahat ai manrampas na dob sinaburhon ai hubagas uhurni, ai ma na sinaburhon bani dalan ai. 20 Tapi na sinaburhon bani tanoh na batuon ai, ai ma na mambogeи hata ai, anjaha mintor malas do uhurni manjalosi, 21 tapi seng marurat ibagas dirini, parsatongkinan do hansa ai. Anggo sogop hasunsahan atap pangarsik-arsikon halani hata ai,

mintor sangsi do uhurni. 22 Ia na sinaburhon bani parhupi-hupian ai, ai ma na mambogei hata ai, tapi tarpisat do hata ai anjaha seng saud marbuah, halani pangkolsohkon ni uhurni bani na i dunia on ampa halani habayakon sipanipu in. 23 Ia na sinaburhon bani tanoh na lambutan ai, ai ma na mambogei hata ai anjaha iarusi gabe saud marbuah, adong na saratus, adong na onom puluh, adong na tolu puluh lompit.

2 Korint 3:15,16 ongon, ronsi sadari on, tibal do panrungkub ai iatas uhurni sidea, anggo ibasa surat ni si Musa. 16 Tapi sadihari mulak uhur ni sidea bani Tuhan in, ibuat ma panrungkub ai.

Jesaya 30:28 hosah-Ni songon bah na marbanggal, na sampur das hu borgok, laho mamiari bangsa sipajuh begu-begu marhitei anduri hamagouan, anjaha mannahkon kokang na pakahouhon bani osang ni bangsa-bangsa.

Hosea 11:3-7 Ahu do na mangajar Efraim mardalan, Huabing do sidea bani tangan-Ku, tapi seng ibotoh sidea, Ahu do na pamalum sidea. 4 Hutogutogu do sidea marhitei tali idop ni uhur, marhitei panrahut holong; Ahu do na pahampungkon pasangan bani tangkuhuk ni sidea, Hupaunduk do diringku bani sidea, anjaha Hubere do sidea mangan. 5 Maningon mulak do sidea hu tanoh Masir, anjaha Assur do gabe raja bani sidea, halani lang ra sidea mulak hu Bangku. 6 Halani ai roh ma podang mandorab huta-huta ni sidea, iparseda ma pating-pating ni horbangan ni sidea, anjaha iboiskon sidea ibagas benteng-bentengni. 7 Mandatei do bangsang-Ku mulak hu Bangku. Age pe adong na dilo-dilo bani sidea, seng tarjongjongkonsi be.

Lahoan ni Apostel 26:18 laho mambuka mata ni sidea, ase mulak sidea humbani hagolapan hubani haliharon, anjaha humbani kuasa ni sibolis hubani Naibata, ase ijalo sidea hasasapan ni dousa ampa rupei rap pakon halak na pansing, halani haporsayaon Bangku.

2 Timoteus 2:24-26 Seng patut paringor-ingor anggo juak-juak ni Tuhan in, tapi parbasar do dompak haganup, pandei mangajari, sabar manaron na jahat, 25 parlamlam mamodahi sipayawan, andohar ibere Naibata bani sidea hamubahon ni uhur, laho mananda hasintongan in, 26 ase tarjolma sidea, maluah humbani siding ni sibolis in, na dob manangkap sidea, laho pasaudhon rosuh-rosuhni ai.

Pangungkabon 3:17-19 Ihatahon ham: Na bayak do ahu anjaha marnah na dong, seng hurangan ahu. Seng ibotoh ham, na madoyuk do ham hape anjaha na masombuh, na musil, na mapitung anjaha na talanjang. 18 Hupodahi ma ham mamboli omas humbangku, na dob pinapitah bani apuy, ase tongon bayak ham, sonai age pakeian putih sihiouhononmu,

ase ulang taridah hailaonmu halani hatalanjangonmu, sonai age minak mamminaki matamu, ase marpangidah ham. 19 Ai sagala na huhaholongi, ai do hupinsang anjaha huajar.Ase pongkuthon ma, anjaha paubah ham ma uhurmu!

2 Korint 7:10 Ai ihorhon pusok ni uhur na humbani Naibata do hamubahon ni uhur huluahon, seng marpanosalan; tapi pusok ni uhur dunia on mangkorhon hamateian.

1 Raja-Raja 18:37 Sai balosi Ham ma ahu, Ham Jahowa, balosi Ham ma ahu, ase ibotoh bangsa on, Ham do Naibata, alo Jahowa, anjaha sai pasuang Ham ma uhur ni sidea.

2 Korint 4:4 Ai ipapitung Naibata ni dunia on do pingkiran ni na so porsaya, ase ulang iidah sidea sondang ni ambilan na madear pasal hasangapon ni Kristus, ai ma usihan ni Naibata.

Lukas 8:11-15 Anjaha on do arti ni limbaga ai: la bonih ai; ai ma hata ni Naibata. 12 Anggo na bani dalan ai, ai ma na mambogeai ai; dob ai roh ma sibolis, ibuat ma hata ai humbagas uhur ni sidea, ase ulang porsaya anjaha maluah sidea. 13 La na bani batu ai, ai ma na marmalas ni uhur manjalo hata ai dob ibogei; tapi seng marurat ai, sangombas do sidea hansa porsaya, anjaha bani panorang parlajouan marbalik ma sidea. 14 Tapi anggo na madabuh hubani parhupi-hupian ai, ai ma na mambogeai ai; tapi tarpisat do hata ai ibagas goluh ni sidea halani holsoh, habayakon ampa hisap-hisap ni goluh on, gabe seng saud matoras buahni. 15 Tapi anggo na bani tanoh na madear ai, ai ma na manimpan hata na binogeini ai ibagas uhur na bonar anjaha na madear, gabe saud ma marbuah ibagas sabar ni uhur.

Lahoan ni Apostel 15:11 Marhitei idop ni uhur ni Tuhan Jesus do, ase maluah hita ihaporsayai uhurta; sidea pe sonai do.

Rom 8:13 Ai anggo marguru hu daging nasiam marparlahou, maningon matei do nasiam; tapi anggo ipamatei nasiam horja ni daging marhitei Tonduy in, manggoluh ma nasiam.